

Sakspapir

Saksbehandlar	Arkiv	ArkivsakID
Kristin Moe	FA - M20, FA - M30	18/2369

Saksnr	Utvalg	Type	Dato
81/2018	Utval for drift og utvikling	PS	16.10.2018

Standard abonnementsvilkår for vatn og avløp

Vedlegg:

Administrative bestemmelser til intern bruk - Standard abonnementsvilkår for vann og avløp

Saksopplysningar:

Bakgrunn

Kommuneforlaget har i samarbeid med Kommunens Sentralforbund (KS) gitt ut ein ny, revidert utgåve av «Standard abonnementsvilkår for vann og avløp». Den reviderte utgåva tek omsyn til endra krav og reglar og nye utfordringar som kommunen står overfor.

Standard abonnementsvilkår består av administrativt og teknisk regelverk utgitt i kvart sitt hefte. Dei administrative reglane som er vedlagt denne saka tar for seg juridiske og forvaltningsmessige forhold. Dei tekniske reglane fastset krav til teknisk utføring.

Kommunen viser til KS sine standard abonnementsvilkår i «Forskrift om vass- og avlaupsgebyr i Meland kommune», men det er ikkje gjort eige vedtak om at desse skal gjelde.

For at vilkåra skal bli gjeldande for oppfølging av saker, må regelverket bli vedtatt av den enkelte kommune. Ei formell vedtaking inneber at kommunen legg til grunn desse vilkåra for å levere vatn- og avløpstenester overfor sine abonnentar (som vi har gjort før), men med tilleggseffekt at vilkåra kan leggjast til grunn for tilsyn og etterprøving, begge vegar.

Vurdering

Med klimaendring og hyppigare ekstremvær er det viktig å tydeliggjera fordeling av risiko og ansvar mellom kommunen og den enkelte abonnent/huseigar. Abonnementsvilkåra skal ivareta det gjensidige ansvarsforholdet mellom kommunen og den enkelte abonnent i samband med tilknytning til offentleg vatn- og avløpsanlegg, samt sikre at sanitæranlegg blir utført og drifta på ein tryggjande måte.

Ved å innføre standard abonnementsvilkår for vatn og avløp, gir kommunen tydelege og klare vilkår som abonnentar, rørleggjarar, entreprenørar, utbyggjarar og planleggjare kan retta seg etter.

Formalisering av abonnementsvilkåra inneber at vilkåra vil gjelde for eksisterande og nye abonnentar,

uavhengig av om abonnenten har skrive under ei erklæring eller ikkje.

Abonnementsvilkåra er utforma slik at dei uforandra kan bli vetekne av kommunen, men kommunen kan likevel leggje til sine egne særreglar. Kommunens Sentralforbund har gjort eit grundig revisjonsarbeid. Rådmannen rår derfor til at Standard abonnementsvilkår – både administrative og tekniske reglar – blir vedteke utan endringar.

Abonnementsvilkåra er ikkje å sjå på som ei forskrift, men som avtalevilkår mellom kommunen og abonnenten. Reglane i standardvilkåra blir i hovudsak gitt av kommunen som eigar av hovudanlegga og leverandør av tenestene innanfor vatn- og avløp. Ei handheving av abonnementsvilkåra blir derfor regulert av privatrettslege reglar og blir i utgangspunktet ikkje sett på som utøving av offentlig mynde.

For å sikre openheit og høve til å påverke vedtak om fastsetting av abonnementsvilkår, er det tilrådd at vilkåra blir sendt ut på høyring. Høyringa bør følgje prosessen som gjeld ved innføring av forskrift. Abonnementsvilkåra bør så formelt bli forankra i kommunestyret og kunngjerast på forsvarleg måte ved oppslag i media, og ved publisering på kommunen sine nettsider.

Dei administrative reglane er vedlagt saka. Då både dei administrative og tekniske reglane er omfatta av åndsverklova må dokumentet ikkje distribuerast vidare eller gjerast tilgjengeleg for andre. Dei tekniske reglane må kjøpast hos KS i papirformat, og blir av den grunn ikkje vedlagt saka her.

Folkehelse: ikkje aktuelt i denne saka

Miljø: ikkje aktuelt i denne saka

Økonomi: ikkje aktuelt i denne saka

Konklusjon

Rådmannen rår til at forslag til «Standard abonnementsvilkår for vann og avløp» med administrative og tekniske reglar blir lagt ut til høyring og offentlig ettersyn, før reglementet blir sluttbehandla av kommunestyret. Dersom det kjem merknader i høyringsrunden, går saka tilbake til UDU før kommunestyret gjer endeleg vedtak.

Framlegg til vedtak:

«Forslag til «Standard abonnementsvilkår for vann og avløp» blir lagt ut på høyring og offentlig ettersyn før reglementet blir sluttbehandla av kommunestyret.»

Utval for drift og utvikling - 81/2018

UDU - behandling:

UDU - vedtak:

Forslag til «Standard abonnementsvilkår for vann og avløp» blir lagt ut på høyring og offentlig ettersyn før reglementet blir sluttbehandla av kommunestyret.

